

Muab Koj los yog Koj Tus Menyuum Cov Ntawv Txhaj Tshuaj Li Cas

Minnesota Immunization Information Connection (MIIC) yog qhov chaw khaws ib tug neeg cov ntaub ntawv txhaj tshuaj koj los ceev cia ua ke, tab txawm cov koob tshuaj ntawd nyias muaj nyias kws kho mob hauv lub xeev ua tus txhaj los xij. Kev muab tau koj tus menyuum cov ntawv txhaj tshuaj MIIC yuav pab kom yooj yim rau kev nthuav qhia cov ntawv rau tej chaw kuaj mob, cov tsev kawm ntawv, kev taug kev deb, lossis kev ua hauj lwm. Nws kuj tseem pab tau rau kev txiam txiv ob peb yam ntawm ib tug neeg qhov kev noj qab haus huv thiab, xws li saib seb thaum twg koj tus menyuum txog caij nyoog yuav txhaj cov tshuaj tiv thaiv kab mob uas pom zoo rau nws.

Muaj ob txoj hauv kev rau koj muab koj los yog koj tus menyuum cov ntawv txhaj tshuaj. Koj mus rub (download) ib lub app hu ua Docket, nws yuav muaj kev rau koj rub (download) thiab luam tawm koj daim qauv ntawv uas yog PDF LOSSIS koj mus thov ib daim qauv ntawv tau rau ntawm cov neeg ua hauj lwm MIIC.

Hauv Kev 1: Siv Docket App

Docket pub kev rau cov neeg hauv Minnesota uas muaj ntawv txhaj tshuaj MIIC muab tau lawv los yog lawv tus menyuum cov keeb kwm ntawv txhaj tshuaj uas raug ceev cia, nrog kev siv lub app nyob hauv xov tooj. Lub app no siv tau rau cov kev:

- Saib cov ntawv txhaj tshuaj nyob hauv lub app.
- Saib cov koob tshuaj tshiab uas nyuam qhuav txhaj dhau los ob peb hnub.
- Nthuav tawm cov qauv ntawv txhaj tshuaj.

Kev yuav pib ces yog mus rub (download) lub app nrog kev nrhiav “Docket” uas nyob hauv Apple App Store los yog hauv Google Play, lossis mus rub (download) lub app tau rau ntawm [Docket \(https://docket.care/\)](https://docket.care/). Yog xav paub ntxiv txog kev yuav teeb tsa thiab siv lub Docket App ces mus saib [Docket thiab Ntawv Txhaj Tshuaj MIIC \(www.health.state.mn.us/people/immunize/miic/docket.html\)](http://www.health.state.mn.us/people/immunize/miic/docket.html).

Hauv Kev 2: Thov ib daim qauv ntawv

Cov neeg hauv Minnesota uas xav thov lawv ib daim qauv ntawv txhaj tshuaj uas yog PDF tuaj yeem ua tau nrog kev sau ntawv xa mus rau MIIC raws qhov no [Nrhiav Kuv Daim Ntawv Txhaj Tshuaj \(www.health.state.mn.us/people/immunize/miic/records.html\)](http://www.health.state.mn.us/people/immunize/miic/records.html).

Minnesota Department of Health
Minnesota Immunization Information Connection (MIIC)
PO Box 64975
St. Paul, MN 55164-0975
651-201-5207
health.miichelp@state.mn.us
www.health.state.mn.us/miic

07/25/2023

Yog xav tau cov xov no sau ua lwm yam lus, ces hu rau: 651-201-5207. (Hmong)